






Joawh 14



Ayteke ig awna gitkis akiw: — Ka yi muwaka barukiswa nuharit. Ka yi muwaka avis. Kamaxwanabay givitit Uhokri. Kamaxwanabay nuvitit hawata. Ka aynsima iwetrit aynte gimun Wigwiw. Wake yuma iwetrit aygebe, nikwekam nah ka awnakam inakni hene.



Nah atak ahegbetevye yiwetri yavit. Ku yis hiyap nah tivik ahegbetevye yiwetri yavit, atannewa nah diyuh akiw adahan yiwepten aterenek kahadbe ku kiney nah misakwa aygwata yis misakwa.



Nah Joawh, nah yikebyi Jesus gihiyega.
Ku samah wixwiw pahavwiwa gikak Jesus
Cristo, wixwiw hiyepne mbeyne hawata

ke igbe, heneme kibeyne
wixwiw hawata kawihne



gikumadukan.

3

Hawata akiw kibeyne ig iki wawaygiwiw adahan
wixwiw dehewnene abetnewa ini mbeyne
hawata ke igbe. Nah sarayhpika atan


avit inin kewgihri kewye Patmus awaku
ku samah nah ekkene



Uhokri giwn,
awaku ku samah
nah ekkene Jesus
Cristo ginetni.


4

Aynewa nah kawihpika gavit Uhokri Gitip. Ayge inurik
nah hiyap pohow epti kiyatyo. Pahavwi hiyeg bat ayge
gumadga.




5

Ayteke nah timap madikte hiyeg aynte inurik,
madikte hiyeg ay amadga inin, madikte hiyeg aynte
anavi wayk, madikte hiyeg aynte
parahwokwa, madikte hiyeg
muwapuw amadga hawkri, igkis
peknes avat. Giwnkis: — Kibeyne
gidahan Uhokri ku pariye betnene
amadga gevwi
kiyatyo.




6

Kibeyne hawata gidahan ig Muwthyan.
Kibeyne gidahankis adahan avanenekwa.
Igkis ka gabaykisima,
ka gikiytanikisima,
ka gawaygikisima,
ka gihatnikisima adahan
avanenekwa.




7

Ayteke nah hiyap nawenyewa paytwempu akiw. In
barewye paytwempu. Ini nukune Jerusalém, Uhokri
gihiyegavu giwetrikis. In muhukempi inuriktak
giwntak Uhokri. In bereswavu ke pahavu tinobe akak
gubereswan ahegbet adahan patiptakano gubetki.
Ayteke nah
timap pahat
ikuvimnat ka
ahawnasima pes
ayteke ahumwatak
Uhokri gevwi.




8

In awna: — Kuri han pitatit Uhokri kavinwene ay gibetkis hiyeg amadgayavu inin. Ig misekwene gikakkis. Igkisme gihiyegavu. Igme giwohkigakis. Kibeyne, Uhokriwa ay gimunkis kuri.




9

Ayteke ig ahj hawata ekke nutuh pahatra warik ku pariye un dehetniki ahawkri. In un tigigihwawwi ahakwa, huwiye ke buteybe. In pes ariwntak Uhokri gevwi akak giwntak ner Muwthyan.



10


Hawata akiw ini paytwempu ka muwaka kamuw ine kawnata muwaka kayg adahan kabutnihne ayge, mmanawa inwa Uhokri gamuwyi uguh ini paytwempu. Hawata ig ner Muwthyan ig abukri adahan ini paytwempu.



11


Heneme yuma ariknawnema patehwevye ik adahan parak atere. Yuma pahavwinema ku pariye keh mbayka ik adahan parak atere.

Ine yuma pahavwinema wasaympiye kawnata ik adahan parak atere. Ignekisnewa ku pariye kadahanyevwi giwkis tamakave amadga ner Muwthyan gikagtan adahan dehetniki, ignesnewa ik adahan igkis parak atere.



12

Ig manwotigkisnek ariw gikantakkis madikte. Ayge gimun yuma miyaka akiw. Yuma kadniki akiw. Yuma tihaki akiw. Yuma kayahwaki akiw. Mmanawa madikte arikna minikweknene in kuwis mpiye.



13


Ayge yuma ariknawnema mbeyeveye. Ayge ig Uhokri gikak ner Muwthyan igkis kumadukenes ay amadgatak gevwikis kiyatyo. Ayge madikte gibukvig kehnenekwa gibetki. Igkis gibukvig hiyavaknek gikak pahepkatak. Giw tamak ay gidevakis adahan areketni ku igkisnewa gihiyegavu.



14


Ayge nikwe nah hiyap madikte miyaravyempu, neras ku pariye kiyatyevwi gikakkis neras ku pariye ikaka yumanene gikiytanikis. Igkis madikte tabirbet ayge avetun Uhokri gevwi. Ayge ka aynsima kagta wokepka. Ayteke nah hiyap pahakwa kagta wokepka akiw, ini kagta adahan dehetniki adahan avanenekwa.

Ayteke nikwe ariwnteke ini ig Uhokri gihiyvetnikis madikte neras miyaravyempu ba igkis kibeynewatma.




15

Ig ivegbohe madikte ini kagta amin ku pariye gikehnikis ay amadga inin, mmanawa gikehnikis tamakave amadga ini kagta. Hawata akiw madikte hiyeg ku pariye giwkis kane tamaknema amadga ini kagta, ku pariye keh wis aymuhwa gimun Uhokri adahan avanenekwa, igkis hawata padakavepka abetit egu tiket ahawkri.




16

Uhokri Gitip akak Cristo gibetki egkis awna gitkis madikte hiyeg: "Ba ayta." Igme ku pariye timepne inakni guwnkis awnanaba hawata git Cristo: "Ba ayta."



17

Ku pahavwi giharitviye Uhokri kiyesrad ke pahavwi hiyeg arabyuvyebe un, hiyawa ig ayta. Ku pahavwi higepkerevye ini un dehetniki, hiyawa ig higap yuma atiwni.



18

Mmanawa Kiyavwiye Uhokri batek gikakkis madikte hiyeg mpinevyeve. Inneki keh ig ike nernewa gikamkayh adahan ku pariye hiyeg kamaxwevye givitit, ig ka biyuk giw Kiyavwiye Uhokri, heneme ig aymuhwa gimun Kiyavwiye Uhokri adahan avanenekwa.

19

Romanus 3:23

Mmanawa madikte wixwiw taraksavyekuye. Wixwiw ka huwit avigkutavrikutnema ku samah Uhokri gikiytani.

Romanus 6:23

Mmanawa patahwavye gitiwnikis inebaki miyaka adahan biyukwiki giw Uhokri. Gikanme Uhokri wotwiw nawenyewa. Ig keh wixwiw aymuhwa gimun adahan avanenekwa awaku ku samah wixwiw pahavwiwa gikak Ukivarawiy Jesus Cristo.

Ebrews 9:27

Amawka madikte hiyeg amadgayavu inin miya pahayewvi. Ayteke ariwntak gimiremnikis igkis hiyapka ba igkis kibeynewatma adahan igkis katiwnivwevye avatra gitaraksankis.

20

Efesys 2:8,9

Innewa gamnihra keh wixwi isahptaw ariw uvathawniwiy awaku ku samah wixwi kamaxwene givitit Cristo. In ka ariwntakma umaviswanwiy wowntaknema. In ayta giwntak Kiyavwiye Uhokri. In gikan wotwi he wamnihkawiynen. Kawki ukehbetanwiyma kabayka keh wixwi danuh git Kiyavwiye Uhokri. Nikwe ka ik adahan wixwi ikaw ku wixwi kibeyne wowntekneyma.

Romanus 10:9,10

Usuh awna gitkis: "Ku pis awna inyewa akak pibiy: 'Kiyavwiye Jesus nukivara', ku pis ihpa avititak piyakni ku Uhokri kannikasevgi ariw gimiremni, amun ini nikwe pis isahptaw." Mmanawa avititakwa uyakni wis kamaxwa givitit Cristo. Akakme ubiy wis kinetihwa gimin. Innewa keh wis kewa kibeynevwiye giwtrik Uhokri. Innewa keh wis isahptaw ariw uvathawni.

21

Joawh 3:16,17

Mmanawa Kiyavwiye Uhokri batek gikakkis madikte hiyeg mpinevevye. Inneki keh ig ike nernewa gikamkayh adahan ku pariye hiyeg kamaxwevye givitit, ig ka biyuk giw Kiyavwiye Uhokri, heneme ig aymuhwa gimun Kiyavwiye Uhokri adahan avanenekwa. Ig Kiyavwiye Uhokri awahkis gikamkayh atan kawki adahan gisayreptenkisma hiyeg, heneme adahan gamnihtenkis.

22

1 Joawh 5:11-13

Nah akkite yit ku pariye Kiyavwiye Uhokri gakkan wotwi. Ig akki wotwi ku ig ike dehetniki uvititwi adahan avanenekwa givitimpi gikamkayh. Mmanawa ini dehetniki ay givit gikamkayh. Ku pariye kadahanye Kiyavwiye Uhokri gikamkayh ay givit, igi aymuhwa gimun Kiyavwiye Uhokri adahan avanenekwa. Heneme ku pariye yumahnene gidahan Kiyavwiye Uhokri gikamkayh ay givit, igi ka aymuhwa gimun Kiyavwiye Uhokri. Yisme ku pariye kuwis kamaxwenevwi givitit Kiyavwiye Uhokri gikamkayh, nah ikene inakni yinetni amadgatak inin kagta kahadbe yis hiyakni kabayntiwa ku yis kadeheten adahan avanenekwa. Yis ka ivegmima yihiyekemni baki yis inyewatma Uhokriyanvuma.

23

Joawh 14; 2 Korintus 5; Apokalipsi 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Palikúr NT (plu) © 2018, Wycliffe Bible Translators, Inc.
All rights reserved.

<https://live.bible.is/bible/PLUWBT/PSA/1>

©2026 Bible for Children, Inc.
www.M1914.org www.bibleforchildren.org

24